

ԽՄԲԱԳՐՈՒԹԵԱՆ ԿՈՂՄԻՑ

«Լուսնայի» օգոստոս և սեպտեմբեր ամիսների համարները մենք ստիպուած եղանք միացնել մի դրբի մէջ հետևեալ պատճառներով.

Ամառս լոյս տեսնել սկսան երկու նոր հայաթերթեր և մեր գրաշարների մեծ մասը հեռացան այդ թերթերի համար գործելու՝ առաւել վարձ ստանալու յուսով. և մենք, տասը տարուայ ընթացքում առաջին անգամ զգացինք գրաշարի պակասութիւնը: Տպարանն էլ միւս կողմից կրկնապատկեց տպագրութեան վարձը: Բացի այս հանգամանքներից, մեզ մշտապէս թուղթ մատակարարող պահեստը՝ դրժել է իւր խոստումը և զրկել է մեզ թղթի մեր սովորական պաշարից, առարկելով թէ գործադուլների պատճառով դժուար է ապրանք ստացւում, ուստի և Խմբագրութիւնս ստիպուած եղաւ թերթիս այս միացեալ համարի կէտը լրացնել ուրիշ՝ քիչ թէ շատ համապատասխան յատկութեան թղթով:

Մենք ամեն ջանք գործ ենք դրել այս անցողական խոչընդոտը վերացնելու և ամսագրիս հրատարակութիւնը իւր նախկին կանոնաւոր դրութեան վերածելու համար: